



D. O. M.

DE FRACTURA NASI

THESES

ANATOMICO-CHIRURGICÆ.

*celle there
n'a été
sou tenue
qu'après elle
de moi
Destruman
qui s'est*

§. I.



ON satis erat ad Œconomia Animalis complementum & securitatem, ope tactus, visus, auditus & gustus, corporum ambientium præsentiam, numerum, speciem & modificationes percipere; de illis insuper, mediante partium volatiliū ex iisdem corporibus jugiter exhalatarum effluvio, judicandum erat, ut partes colligerentur ac servarentur utiles, & vitarentur, aut procul abjicerentur nocivæ. Organum peculiare huicce functioni perficiendæ idoneum institui & ita disponi debebat, ut aëri corpuscula volatilia vehenti quasi occurreret,

A

liberum ipsi permetteret aditum, & sensu exquisito donatam simul & sufficientem innumera horumce atomorum copiae offerret superficiem, tandem ut ab injuria exteriorum defenderetur pars Organi delicatior. Talibus insignitur dotibus pars eminens in media facie posita; Nasus ipsi nomen. Tquam pars unica in duas cavitates divisa quae dicuntur nares, primo intuitu videtur; sed accuratius explorata, partes diversi generis & cavitates multiplices in ipsa deteguntur. Cutis, muscoli, ossa, cartilagineae; membranae, vasa, nervi, & glandulae, ad ipsius compositionem concurrunt; cellulae & aperturae intus excavantur.

§. II.

CUTIS quae totum caput involvit, se se etiam super Nasum expandit & illum obtegit; paucissima pinguedinis copia substernitur; glandulae sebaceae juxta extremitatem inferiorem seu lobulum Nasi circumjacent. Fibrae musculares deinde veniunt in conspectum; in sex musculos dividi possunt, Pyramidales scilicet geminos, Obliquos descendentes duos, totidemque Myrti-formes, Pyramidales, aliter recti, triangulares anteriores, proceri Nasi; cum fibris muscutorum frontalis & super-ciliarium confundi videntur, & adherent lateribus Nasi usque ad narium margines; Obliqui descendentes, seu laterales, a processu angulari sive nasali ossis maxillaris punctum mutuuntur fixum, & pyramidales concomitantur. Myrti-formes tandem, seu transversales, seu inferiores, ab osse maxillari, prope alveolum dentis canini, oblique ad cartilagineas laterales Nasi tendunt. Sex illi muscoli dilatationi narium videntur inservire; constrictio libera potius ab elasticitate propria cartilaginum Nasi, quam ab actione musculari pendet. Fasciculus fibrarum muscularium, a musculo orbiculari labiorum ad cartilagineam mediam Nasi tendens, pro constrictore narium inter constrictionem coactam haberi potest; constrictoris tamen vices vix solus gerit; narium constrictio major semi-orbicularis superioris & myrti-formium simultaneae contractioni potius tribuenda.

SUBLATIS partibus modo descriptis, statim prodeunt ossa quae superiorem, firmiorem & immobilem Nasi substantiam constituunt, necnon cartilagineae quae inferiorem, flexilem & mobilem efformant. Exigua duo illa ossa, figurae oblongae & quadrangulae, angustiora sursum, latiora deorsum, sibi invicem jun-

3

guntur. Ex hac coadunatione fornicis quædam exurgit species, quæ extus paululum depressa, sed intus est æqualiter concava. Duas facies, anteriorem quippè & posteriorem, seu externam & internam, quatuor margines, superiorem, inferiorem, internum & externum, præbet os alterutrumque. Limborum superior cum osse coronali jungitur, exterior cum apophysi ossis maxillaris partem lateralem & osseam Nasi constituyente, interior cum limbo interiori ossis nasalis vicini, inferior denticulis asperatur & cartilaginibus adhæsiōnem suppeditat.

QUINQUE cartilagine præcipuas infra Nasi ossa animadvertere est, mediam nempe quæ partem inferiorem septi Nasalis producit, & quatuor laterales, quarum duæ anteriores apicem nasi, & duæ posteriores alas efformant. Spatiola inter cartilagine posita replent aliquandò aliæ cartilagine exiguæ, membranæ ligamentosæ, glandulæ & vasa; undè numerus cartilaginum apud auctores varius habetur. In extremitate inferiori cartilaginis mediæ, quatuor inter laterales, appendix adest mollis, flexilis & mobilis, quæ ex adipe & cute conflatur, parietem Nasi medianum perficit, & Infra-septum dici solet.

CUTIS ab extremitate Nasi videtur discedere, ut interiores illius petat meatus & anfractus; in membranam structurâ & nomine diversam convertitur, quæ humore lymphatico, Pituitâ ab antiquis dicto, semper madefit; undè Pituitariæ nomine cognoscitur: de hujus naturâ & usu fusiùs & accuratiùs, quàm qui ante ipsum viguerant Physiologi, differuit Conrad. Victor Schneider: idcirco membrana Schneideri sæpè nuncupatur. Mollis est, spongiosa, vasculis sanguineis & lymphaticis, necnon corpusculis glandulosis referta, filamentis nerveis per totam ipsius substantiam distributis instructa; se se inflectit, contorquet, implicat; cellulas & sinus frontales, sphenoidales, maxillaresque ingreditur & investit; ex iisdem exit, se se evolvit, & explicat. Tam mirâ dispositione, majori vasorum & nervorum expansioni, glandularum numerosiori copiæ locum dat; indè secretioni mucûs abundantiori, & sensationi exquisitiori omnimodè favet.

Non solum membranâ pituitariâ induuntur sedulò ossium & cartilaginum Nasi parietes interni, sed præterea periosteo & perichondrio donantur intus & extus. Non itaque videri debet insolitum dolorificas admodum evadere fracturas harumce partium,

& accidentia ex illis in organa ambientia, imò & in caput ferè totum, redundare; quod quidem magis patefcet ex vaforum & nervorum nafi descriptione.

R A M U S externus maxillaris arteriæ carotidis externæ sanguinem propellit ad latera, mufculos & cartilagine narium; deindè ad mufculos, orbicularem nempe palpebrarum, superciliarem & frontalem; ramus alter ejufdem arteriæ, idèst, maxillaris internus, ramulum per foramen fpheno-palatinum ad membranam pituitariam emittit. Venulæ per nares divaricatæ convergunt utrinquè in ramos qui cartilagine laterales & offa Nafi trajiciunt, in venam angularem jam jam exonerandi. Insuper, angularis excipit venas frontis & ramum ab orbitâ egredientem qui cum finibus duræ meningis mediante finu orbitario agit anafomofim. Tandem, vena angularis sanguinem à partibus modò dictis revertentem vehit ad venam jugularem.

PAR primum & antèrius nervorum è cranio exeuntium membranæ pituitariæ per innumera filamenta distribuitur & fœderatur cum parte fuperiore feu orbitariâ nervi quinti paris, ope rami nafalis ex orbitâ in nares imò & in cranium ingredientis, deindè è cranio in nares revertentis, & ab orbitâ ad partes vicinas, nec non ad mufculum pyramidalem & tegumenta Nafi progredientis. Præterea, partes Nafi exteriores à fecundo ramo quinti paris maxillari fuperiori dicto, mediante infra-orbitario; & interiores ab eodem ramo, mediante fpheno-palatino, nec non à maxillari inferiori, ramulos excipiunt. Notandum nunc fupereft quintum par in totâ facie fubdistribui & adeffe communionem mediatam inter vafa Nafi & præcipua vafa capitis, proindèque facilius explicari poffe accidentium fracturæ Nafi per totum caput propagationem.

§ III.

Quò excelfior efl Nafi pofitio & in mediâ facie magis prominet, eò læfionibus exponitur magis: five enim antrorfum decidat corpus humanum, five fubftantia quædam inimica in faciem occurrat, vel projiciatur, tunc Nafus fe fe offert, & cæteram vultus fuperficiem defendere videtur, recessum hujufce fubftantiæ quantum in fe efl promovendo. Quidquid opponere valeat offium Nafi compacta & per modum fornicis folida ftructura,

nonnunquam cedere cogitur lapsui vehementiori, ictibus validioribus, corporum duriorum impulsioni, ex. g. lapidum, metallorum, glandium plumbearum aut aliorum cujuscunque speciei armorum sclopetariorum. Diverſæ ex illorum actione oriri poſſunt fracturæ; vel enim fiunt in uno oſſe abſque ullâ complicatione, vel in duobus pariter abſque alio affectu, quod tamen rariffimum; illæ ſimplices, hæ verò compositæ dici poterunt; aut in uno oſſe Naſi, duobuſve ſimul, cauſâ, morbo, aut affectu morboſo ſtipatæ, & pro complicatis habebuntur; quæ quidem ultima ſpecies cæteris eſt frequentior propter tenuitatem tegumentorum oſſium Naſi, quæ vulneribus plerumque locum dat, & propter delicatam membranæ interioris Naſi fabricam, nec non vaſorum exteriorum cum interioribus commercium, quo mediante ex intumeſcentiâ exteriori oritur interior, ob impeditum in venas exteriores ſanguinis reſſum. Tranſverſim aut obliquè inſlicta fuit fractura; partes conteri potuerunt aut dimoveri; & indè exurgunt aliæ fracturarum Naſi ſpecies, tranſverſales ſcilicet, obliquæ, cum triturâ partium, vel cum dimotione.

FRACTURA oſſium Naſi nonnunquam detegi poteſt ope ſolutionis continui cutis & muſculorum, aliquandò etiam abſque vulnere adeſt inæqualitas in ſuperficie oſſium Naſi quæ poteſt animadverti primo intuitu & ſimul denotare fracturam, nimirum ſi partes fractæ ita dimoveantur è ſede propriâ, ut extùs emineant; inſuper digiti juxta externam Naſi faciem ducti, & digitus minimus, aut ipſius loco ſpecillum linteo obvolutum in narem intromiſſum & contra faciem internam oſſis Naſi impulſum, fracturam poſſunt detegere ſive per inæqualitatem antea non exiſtentem, ſive per crepitationem collifione mutuâ partium fractarum productam. Non tamen ſemper cum eâdem facilitate dignoſcuntur illæ fracturæ, propter ecchymofes & intumeſcentiam quæ ferè ſubito oriuntur tum in parte externâ, tum in parte internâ, & propter eximiam membranæ pituitariæ irritabilitatem, quæ ſternutationem frequentem & moleſtam, imò & hemorrhagiam provocat.

Cartilaginum fractura rara quidem: cum tamen exiſtere poſſit, eâdem encheireſi inveſtiganda eſt ac fractura oſſium; & an nares in alteram partem inclinentur cum Celſo obſervandum eſt.

DIVERSIMODE complicari poſſe fracturas Naſi, ſcilicet fracturâ laminæ perpendicularis, vulneribus, hemorrhagiâ, ecchymofi majori, ſyncope, doloribus vividis in capite & in ſinubus oſſis

coronalis, commotione cerebri, partium circumjacentium intumescentiâ & inflammatione, experientia docet; abscessus, ozœnam, cancrum, polypos narium, canalis nasalis obstructionem, abscessum in oculi cantho, fistulam etiam lacrymalem subsequi posse fracturam Nasi, probant observationes nonnullæ.

Ex omnibus fracturis Nasi, simplices & compositæ, cæteris paribus, sunt minùs periculosæ quàm complicatæ; istæ verò sunt eò periculosiores quò complicationes sunt in gradu intensiori, diutius perseverant & peiori indole donantur.

UT CURARI possit fractura ossium & cartilaginum Nasi, reductio fieri, partes reductæ contineri, & accidentia præcaveri aut corrigi debent. Ægro commodè sito, introducitur in narem spatula linteo obvoluta, & contra partem fractam impellitur usquequò in statum naturalem reponatur; interea digiti alterius manûs extûs applicantur ut partes reducendas dirigant. Hæc tamen reductio in omnibus fracturis Nasi necessaria non est. Nam aliquandò ita franguntur ossa ut partes fractæ nullatenùs è sede propriâ dimoveantur, nullamque requirant reductionem; quo in casu, splenia medicamine idoneo imbuta & ope fundæ contenta sufficiunt. Venæ sectionibus, diætâ & quiete, accidentia procul arcere superest.

SITUS ossium Nasi prope cranium, ipsorum cum cerebro, oculis & totâ facie mediantibus nervis connexio, vasorum sanguineorum & lymphaticorum, nec non nervorum per nares disseminatorum copia ingens, membranæ pituitariæ sensibilitas eximia, transitus continuus & ferè necessarius aëris per nares, in causâ sunt, cur fractura minoris momenti respectu tenuitatis ossium & illorum ab actione muscutorum immunitatis, gravior evadat, habitâ ratione periculi aut incommodorum quæ succedere possunt: itaque inter accidentium curationem adimplendam, non solum ad ipsammet fracturam, sed & ad alias partes affectas convertenda est sollicitudo Chirurgi.

DOLORES vividi in fronte debellabuntur per sectiones saphenarum sæpiùs celebratas, emollientia, & anodina extûs applicata, sedantia, laxantia, & opiata. Qui dolores si viderentur periodici, scrutandum esset an à quodam vitio interno oriuntur; tunc enim medicamenta interna vitio opposita forent adhibenda. Commotioni sanandæ opitularentur vulneraria extûs

apposita & intus assumpta, quies, victus tenuis, venæ sectiones. Si vertigines adsint, laxantium, & cephalicorum usus, saphenæ sectio, valdè juvant. Hemorrhagiam internam Narium, quantum fieri potest, applicatione stiptici super orificium vasis aperti, aut liquorem astringentem spiritu ducendo; externam verò compressione leviori & stiptico compescere prodest. Antiphlogistica, venæ sectiones pro re natâ celebratæ, medicamenta partium Nasi vicinarum inflammationibus extinguendis idonea, mittantur in usum. Abscessus qui post fracturam superveniunt, eadem methodo ac alii curari debent, cum tamen eâ cautelâ ut aperiantur ex parte narium si fieri possit. Ozænæ, canceri, polypi, fistulæ lacrymalis therapeutica nimis ampla & à curatione fracturæ Nasi remotior est, quàm ut illam aggrediamur. Quod ad vulnera attinet, annotare sufficiat balsamica & vulneraria spirituosa ipsis competere, nec eadem segreganda esse à levioribus suppurantibus, si contusio sit vulnere conjuncta. Tandem, repositionem fragmentorum ossium nasi, ex omni parte solutorum & è sede propriâ dimotorum, potius tentandam esse quàm extractionem; & fistulas in aliis fracturis plerumque inutiles, cum felici successu adhiberi posse in casu fracturæ cum triturâ & vulnere interno, demonstrat Saviardi Observatio cvij.

Has Theses, DEO JUVANTE, & Præside M. STEPHANO-PETROLE LAUMIER, Artium & Chirurgiæ Magistro, &c. tueri conabitur PETRUS CAPDEVILLE, Aquensis, Artium liberalium Magister,

Paris en province

P A R I S I I S,

IN REGIIS CHIRURGORUM SCHOLIS;

Die Sabbati 26^a. Novembris, à sesqui secundâ post meridiem ad septimam, Anno R. S. H. 1763.

P R O A C T U P U B L I C O

E T

M A G I S T E R I I L A U R E A.

Typis P. AL. L E P R I E U R, Regii Chirurg. Collegii
Typographi.

